



Roald Straume
Straumsvegen 37
5939 SLETTA

Referanser:
Dykkar:
Vår: 20/17126 - 22/3716

Saksbehandlar:
Mikkel Bengtsson
mikkel.bengtsson@alver.kommune.no

Dato:
14.01.2022

Avslag på søknad om skadefelling av hjort - gbnr. 493/4-5-6 og 8, Straume

Administrativt vedtak: Saknr: 047/22

VEDTAK:

Med heimel i naturmangfaldlova § 18 fjerde ledd gjev Alver kommune med dette grunneigar Roald Straume, Hogne Straume, Audun Gjerde og Knut Morten Straume, gbnr. 493/4-5-6 og 8, Straume avslag på skadefelling av hjort.

Saka gjeld

Roald Straume, Hogne Straume, Audun Gjerde og Knut Morten Straume søker i fellesskap i brev dagsett 03.02.2021 (retta av administrasjonen til 03.01.2022) om løyve til skadefelling av hjort på gbnr: 493/4-5-6 og 8. Der vises til tidlegera innsende dokument med vedlegg frå jaktvaldet, mjølkeprodusentane i Nordangerkrinsen og vedtak frå i sommar kor kommunen utpekte område Straume/ Nordanger nord på Radøy til eit prøveområde for auka avskyting av hjort i jakt sesongen 2021. Søkjarane skriv at det er stor auke i prisen på handelsgjødsel, og at dersom ein skal gå ein ny vekstsesong i møte på forsvarleg vis kan hjortestamme ikkje ha den storleiken som den har no.

Søkjarar, som alle er grovfôrprodusentar med driftssenter på Straume gnr. 493, søker difor om fellingsløyve på 12 dyr av hjort. Søkjarane ynskjer å få behalde slaktet sjølv og vil ha ei jakttid ut mars månad 2022.

VURDERING

Naturmangfaldlova § 18 fjerde ledd gjev kommunen rett til å gje løyve til uttak av hjortevilt som gjer skade på objekt definert i § 18 første ledd bokstav b.

Prinsippa i Naturmangfaldslova §§ 8-12 skal leggst til grunn som retningslinjer ved utøving av offentlig mynde, jamfør Naturmangfaldslova § 7.

Prinsippa i §§8-12 i naturmangfaldslova er lagt til grunn ved vurdering av vedtaket. Det er særleg vektleggj berekraftig bruk og vern av naturmangfaldet der den samla belastninga for økosystemet vert vurdert både på staden og sett i ein større samanheng. Landbrukskontoret vurderer kunnskapsgrunnlaget om hjortebestanden som middels. Hjortebestanden i kommunen er robust og skadefelling har ikkje negativ innverknad på bestanden.

Administrasjonen er dessverre nøydd til å gjev avslag på søknad fordi: Skade på avling skjer i vekstsesongen, og i mindre grad resten av året. Skadefelling av hjort på grasproduksjonsareal utanfor ordinær jakttid vert vanlegvis berre gitt løyve til i vekstsesongen. Før kommunen kan gje skadefelling skal det vera påvist betydeleg økonomisk tap. I og med att det no er vinter ser ikkje kommunen att dette vilkåret er oppfylt.

Administrasjonen har på denne årstida, utanfor vekstsesong, fokus på økonomisk støtte frå villfond til gjerde for beskyttelse av rundballar på lagar mot skade av hjort.

Formålet til søknaden vert oppfatta å vera ein søknad om forlenging av jakttid med fokus på reduksjon av hjortebestanden og klargjering av bestanden til vekstsesongen. Ikkje eit tiltak for å stansa eller avverge ein spesifikk skadesituasjon på avling. Søknad har såleis fokus på problematikk som ikkje er innanfor ramma for skadefelling av hjort med heimel i naturmangfaldlova, men hjorteforvaltningsmessige tiltak i ordinær jakttid.

Administrasjonen forstår samanhengen mellom auke i handelsgjødsels priser og skade som hjorten gjer på avlinga kan gje negativ effekt på driftsoverskotet. I vurderinga etter naturmangfaldslova §18 kan ein ikkje leggja vekt på auke i driftsomkostningar som resultat av stigningar i prisen på diesel, straum, bygningsvarer og/ eller handelsgjødsel, men har fokus på å stansa eller vesentleg redusera spesifikk skada på avling.

I gjennom fleira år har det i dei gamle kommunane, som utgjer Alver kommune, vore auke i hjortebestanden. Beiting av hjort påfører jordbruket betydelege økonomiske tap mange stader i kommunen, og utgjer likeins ei vesentleg hindring for kvalitetsmessig forynging av skog og oppfylling av foryngingsplikten i skoglovas §6. Den kan i tillegg utvikle seg til ei fare for naturmangfaldet gjennom overbeiting. Kommunen vurderer at brorparten av skade på landbruk er kombinasjonen mellom grasproduksjonsareala i god drift og ein lokal for høg bestand av hodyr med lav reproduksjonsrate. Hjortebestanden er levkraftig, men med ei skeiv kjønnsamansetting og fallande slaktevekt blant kalv.

Alver kommune har 25.06.2020 redusert minstearealet for hjort for å auke avskytinga som resulterte i rekord i uttaket av hjort for de tre gamle kommunar. I sesong 2021 endra kommunen samansetninga i uttaket radikalt i retning av hodyr og kalv. Fråvik frå minsteareal med inntil 50% brukast i full utstrekning i nemnte prøveområde og i stor utstrekning i omkringliggande hjortevald. Alver kommune er i høyringsfasen for å redusere minsteareal for hjort igjen i 2022 for å kunne heve uttaket i jakt sesong 2022. Det heva uttak vil og gjelde forsøksområda og bli effektuert i jakt sesong 2022.

Alver kommune er godt kjent med at mange bønder har store og omfattande skader på avling og skog. Kommune arbeider difor hardt med å leggja til rette for reduksjon i hjortebestanden for at det skal verta mindre skader på jord- og skogbruk. Fordi dette er forvaltning av dynamikken i ein naturleg hjortebestand, vil ta tid før ein får full effekt av dei tiltaka som er sett i gong.

Det pågåande vegbygg prosjekt på Radøy har endre hjortetrekke og endra korleis hjorten geografisk er fordelt i områda. Dette vil bli forsøkt handtert i tildeling sesong 2022.

Regelverk

LOV 2009-06-19-100 Lov om forvaltning av naturens mangfald.

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: 20/17126

Med vennleg helsing
Alver kommune, Landbruk

Laila Bjørge
Avdelingsleiar

Mikkel Bengtsson
Rådgjevar

Dette dokumentet er elektronisk godkjent og har difor ingen signatur.

Mottakarar:

Audun Gjerde		5939	SLETTA
Knut Morten Straume	Slettevegen 1335	5939	SLETTA
Roald Straume	Straumsvegen 37	5939	SLETTA
Straume Hogne Jarle	STRAUME	5939	SLETTA